

UPRAVNI ODBOR

Uspostavljen Zakonom o sistemu indirektnog oporezivanja
u Bosni i Hercegovini

Polazeći od toga da je Upravni odbor Uprave za indirektno oporezivanje donio odluku o iznosu sredstava koja se na ime poravnanja između korisnika raspodjele indirektnih poreza sa jedinstvenog računa Uprave za indirektno oporezivanje za 2005. godinu trebaju prenijeti sa jednog na druge korisnike raspodjele ("Službeni glasnik BiH", broj 64/07);

Polazeći od toga, da je odluka o načinu poravnanja stupila na snagu odmah i trebala biti realizirana jednokratnom uplatom ukupnog iznosa sredstava po toj odluci, te da odluka nije realizirana od dana njenog donošenja (26.juna 2007. godine) do dana donošenja ove odluke;

Cijeneći da je Upravni odbor donio odluku o raspodjeli prihoda po osnovu konačnog poravnanja, za čije je donošenje je potrebna većina glasova članova Odbora propisana članom 29. stav 2. tačka 3. Zakona o sistemu indirektnog oporezivanja ("Službeni glasnik Bosne i Hercegovine", broj 44/03, 52/04 i 34/07) i da je ta odluka stupila na snagu danom njenog donošenja, te da su u pogledu raspodjele, odnosno poravnanja riješena sporna pitanja visine sredstava za poravnanje i vremena realiziranja;

Cijeneći da realiziranje navedene odluke, u kojoj su riješena sva ključna pitanja, ne predstavlja odluku o kojoj se odlučuje većinom glasova članova odbora,

Predsjedavajući Upravnog odbora Uprave za indirektno oporezivanje, na osnovu člana 29. stav 3. tačka 4. Zakona o sistemu indirektnog oporezivanja („Službeni glasnik BiH“ br. 44/03, 52/04 i 34/07), donosi

ODLUKU

O PROVEDBI ODLUKE O KONAČNOM PORAVNANJU IZMEĐU KORISNIKA RASPODJELE INDIREKTNIH POREZA SA JEDINSTVENOG RAČUNA UPRAVE ZA INDIREKTNO OPOREZIVANJE ZA 2005. GODINU

Član I

Odluka Upravnog odbora o konačnom poravnanju između korisnika raspodjele indirektnih poreza sa jedinstvenog računa Uprave za indirektno oporezivanje za 2005. godinu ("Službeni glasnik BiH", broj 64/07) se realizira na sljedeći način:

(a) Konačno poravnanje između korisnika raspodjele se vrši na teret tekućih prihoda od indirektnog oporezivanja na jedinstvenom računu Uprave za indirektno oporezivanje koji pripadaju Federaciji BiH, prijenosom na račune Republike Srpske i Brčko Distrikta.

(b) Konačno poravnanje se vrši u roku od 30 radnih dana, počev od 22.10.2007. godine, svakodnevno sa jednakim iznosom isplata u toku navedenog perioda.

(c) Za realiziranje ove odluke se zadužuje direktor Uprave za indirektno oporezivanje.

(d) Zadužuje se direktor Uprave za indirektno oporezivanje da informira Federaciju BiH, Republiku Srpsku i Brčko Distrikt o dnevnim iznosima do 19. oktobra 2007.

Član II

Ova odluka stupa na snagu danom donošenja i bit će objavljena u “Službenom glasniku BiH”.

Sarajevo, 15.10.2007.godine
PUO:1510/9/2007

Predsjednik Upravnog odbora
Peter Nicholl

UPRAVNI ODBOR

Uspostavljen Zakonom o sustavu neizravnog oporezivanja
u Bosni i Hercegovini

Polazeći od toga da je Upravni odbor Uprave za neizravno oporezivanje donio odluku o iznosu sredstava koja se na ime poravnanja između korisnika raspodjele neizravnih poreza s jedinstvenog računa Uprave za neizravno oporezivanje za 2005. godinu trebaju prenijeti s jednog na druge korisnike raspodjele („Službeni glasnik BiH”, broj 64/07);

Polazeći od toga, da je odluka o načinu poravnanja stupila na snagu odmah i trebala biti realizirana jednokratnom uplatom ukupnog iznosa sredstava po toj odluci, te da odluka nije realizirana od dana njenog donošenja (26. lipanj 2007. godine) do dana donošenja ove odluke;

Cijeneći da je Upravni odbor donio odluku o raspodjeli prihoda po osnovi konačnog poravnanja, za čije je donošenje je potrebna većina glasova članova Odbora propisana člankom 29. stavak 2. točka 3. Zakona o sustavu neizravnog oporezivanja („Službeni glasnik Bosne i Hercegovine”, broj 44/03, 52/04 i 34/07) i da je ta odluka stupila na snagu danom njenog donošenja, te da su u pogledu raspodjele, odnosno poravnanja riješena sporna pitanja visine sredstava za poravnanje i vremena realiziranja;

Cijeneći da realiziranje navedene odluke, u kojoj su riješena sva ključna pitanja, ne predstavlja odluku o kojoj se odlučuje većinom glasova članova odbora,

Predsjedavajući Upravnog odbora Uprave za neizravno oporezivanje, temeljem članka 29. stavak 3. točka 4. Zakona o sustavu neizravnog oporezivanja („Službeni glasnik BiH“ br. 44/03, 52/04 i 34/07), donosi

ODLUKU

O PROVEDBI ODLUKE O KONAČNOM PORAVNANJU IZMEĐU KORISNIKA RASPODJELE NEIZRAVNIH POREZA S JEDINSTVENOG RAČUNA UPRAVE ZA NEIZRAVNO OPOREZIVANJE ZA 2005. GODINU

Članak I

Odluka Upravnog odbora o konačnom poravnanju između korisnika raspodjele neizravnih poreza s jedinstvenog računa Uprave za neizravno oporezivanje za 2005. godinu („Službeni glasnik BiH”, broj 64/07) se realizira na sljedeći način:

(a) Konačno poravnanje između korisnika raspodjele se vrši na teret tekućih prihoda od neizravnog oporezivanja na jedinstvenom računu Uprave za neizravno oporezivanje koji pripadaju Federaciji BiH, prijenosom na račune Republike Srpske i Brčko Distrikta.

(b) Konačno poravnanje se vrši u roku od 30 radnih dana, počev od 22.10.2007. godine, svakodnevno s jednakim iznosom isplata tijekom navedenog razdoblja.

(c) Za realiziranje ove odluke se zadužuje ravnatelj Uprave za neizravno oporezivanje.

(d) Zadužuje se ravnatelj Uprave za neizravno oporezivanje da informira Federaciju BiH, Republiku Srpsku i Brčko Distrikt o dnevnim iznosima do 19. listopada 2007.

Članak II

Ova odluka stupa na snagu danom donošenja i biti će objavljena u “Službenom glasniku BiH”.

Sarajevo, 15.10.2007.godine
PUO:1510/9/2007

Predsjednik Upravnog odbora
Peter Nicholl

УПРАВНИ ОДБОР

Успостављен Законом о систему индиректног опорезивања
у Босни и Херцеговини

Полазећи од тога да је Управни одбор Управе за индиректно опорезивање донио одлуку о износу средстава која се на име поравнања између корисника распоdjеле индиректних пореза са јединственог рачуна Управе за индиректно опорезивање за 2005. годину требају пренијети са једног на друге кориснике распоdjеле („Службени гласник БиХ”, број 64/07);

Полазећи од тога, да је одлука о начину поравнања ступила на снагу одмах и требала бити реализована једнократном уплатом укупног износа средстава по тој одлуци, те да одлука није реализована од дана њеног доношења (26. јуна 2007. године) до дана доношења ове одлуке;

Цијенећи да је Управни одбор донио одлуку о распоdjели прихода по основу коначног поравнања, за чије је доношење је потребна већина гласова чланова Одбора прописана чланом 29. став 2. тачка 3. Закона о систему индиректног опорезивања („Службени гласник Босне и Херцеговине”, број 44/03, 52/04 и 34/07) и да је та одлука ступила на снагу даном њеног доношења, те да су у погледу распоdjеле, односно поравнања ријешена спорна питања висине средстава за поравнање и времена реализације;

Цијенећи да реализација наведене одлуке, у којој су ријешена сва кључна питања, не представља одлуку о којој се одлучује већином гласова чланова одбора,

Предсједавајући Управног одбора Управе за индиректно опорезивање, на основу члана 29. став 3. тачка 4. Закона о систему индиректног опорезивања („Службени гласник БиХ“ бр. 44/03, 52/04 и 34/07), доноси

ОДЛУКУ

О ПРОВОЂЕЊУ ОДЛУКЕ О КОНАЧНОМ ПОРАВНАЊУ ИЗМЕЂУ КОРИСНИКА РАСПОДЈЕЛЕ ИНДИРЕКТНИХ ПОРЕЗА СА ЈЕДИНСТВЕНОГ РАЧУНА УПРАВЕ ЗА ИНДИРЕКТНО ОПОРЕЗИВАЊЕ ЗА 2005. ГОДИНУ

Члан I

Одлука Управног одбора о коначном поравнању између корисника распоdjеле индиректних пореза са јединственог рачуна Управе за индиректно опорезивање за 2005. годину („Службени гласник БиХ”, број 64/07) се реализује на слиједећи начин:

(а) Коначно поравнање између корисника распоdjеле се врши на терет текућих прихода од индиректног опорезивања на јединственом рачуну Управе за индиректно опорезивање који припадају Федерацији БиХ, преносом на рачуне Републике Српске и Брчко Дистрикта.

(б) Коначно поравнање се врши у року од 30 радних дана, почев од 22.10.2007. године, свакодневно са једнаким износом исплата у току наведеног периода.

(ц) За реализовање ове одлуке се задужује директор Управе за индиректно опорезивање.

(д) Задужује се директор Управе за индиректно опорезивање да информише Федерацију БиХ, Републику Српску и Брчко Дистрикт о дневним износима до 19. октобра 2007.

Члан II

Ова одлука ступа на снагу даном доношења и биће објављена у “Службеном гласнику БиХ”.

Сарајево, 15.10.2007.године
ПУО:1510/9/2007

Предсједник Управног одбора
Питер Никол